

各營操練官軍馬匹糧草束委官查等明白
造冊咨送該府戶部敢有洗改及轉委識字軍
人賁送者許將委官奏問并各衛官軍月報文
冊亦要委公正識字官員造報如有通同識字
軍詐作弊者一体察究例

成化五年閏二月二十八日戶部尚書楊

等題為

防錢糧禁革奸弊事山東清吏司案呈照得五軍
等營每月官軍口糧馬料文冊俱將把總官員令識字
軍人類造完備賁送總兵官會昌侯孫繼宗處咨繳
中軍等都督府為因總兵官咨文俱無印信閑防節
次被把總識字人等偽造咨文花押將文冊多造各衛
操備官軍口糧并騎操馬匹料草數目賁送中軍等
都督府用印縫照會戶部定撥倉場放支節次被

其作弊盜支數多近該太子少保兼兵部尚書白等
奏奏千戶劉福多造官軍四百九十員名冒支糧米一百
九十六石又該本部查出伸威營把總指揮劉果多造官
軍一百五十員名馬匹料莖一百三十五石耀武營把總指
揮朱俊多造官軍八百八十九員名及該錦衣衛鎮撫司
節次問出識字軍人夏景等偽造次文花押虛捏文冊
冒支官糧數多俱各奏奏問罪外緣此弊奸發覺者
雖已奏問未發者誠恐仍有若不嚴加閼防其弊終難
革絕照得每月造報糧冊備開舊管新收開除實在以
防重冒情弊已有定式今各管總兵官所造逐月操練官
軍口糧馬匹糧草文冊難依式報繳緣由印信閼防人兼差
委不得其人以致官軍乘機作弊偽捏咨文套使花押多增
軍馬名數盜支糧料數多案呈到部參照前弊積習日

深玩法之徒後必仍蹈不可不立法閼防禁革合無本部
行移中軍等都督府照依編定勘合事例先將各營總兵
繳冊咨文紙張編置勘合字號并內外底簿貳扇用印鈐
記編完紙張并外號底簿壹扇發各總兵官處收候遞各
月移文放糧將原編紙張照號填發仍於底簿內逐一附寫
其內號底簿一扇該府存收遇有總兵官軍馬糧料等項
文冊移咨到府即於底簿內比對朱墨字號相同照例施行
仍於底簿內依文謄寫以備查考仍行各該總兵官今後
各營造冊務要的當都指揮壹員同各營把總官員將
操練官軍馬匹取勘見在的數并該閱糧料草禾數目
查算明白依式造冊呈送總兵官處查算相同就差原
委造冊官員咨送該府比對明白用印鈐記開寫照會
仍差本官實送本府覆勘是實方許定倉廩放支較有

將照會文冊洗改及仍前轉委識字軍人賡送者許本部
叅究先將差來原委官員移法司拿問及照在京各衛官
軍人等該支月糧文冊亦要該衛委識字公正官一同
將軍士該閱糧料從實造報知府事做明白開除不許通
同識字軍人作弊仍要各委官親覈送部各取重并結狀附
卷倘有虛捏冒增等項情弊事發一体叅究庶使奸弊可
革錢糧清切緣係關防錢糧禁革奸弊事理未敢擅便具
題成化五年閏二月二十八日本部尚書楊 等於
奉 天門奏奉

聖旨是欽此

一旗軍人等有家小閏米一石無家小閏米六斗
例成化六年四月初一日刑部為倚酒撒發逞兇毆打
等事行准戶部閏查得在京各衛所旗軍人等該支
月糧除有妻小者例該閏一石無妻小者止閏六斗
若妻故見有同居共幾父母弟姪子姪者即係有家小
之數亦准合照舊閏支一石如是姪表異姓不係親房
詐冒初依者不在此例等因回報到部緣係事例擬
合通行知會施行